



### Þingskjal 1

*Lagt fram af stjórn UMSS*

#### Þakkar- og hvatningartillögur

**106. ársþing UMSS, haldið í Húsi frítímans Sauðárkróki þann 20. apríl 2026**, færir Skagafirði, sveitarfélagi bestu þakkir fyrir veittan stuðning og samstarf á árinu 2025.

**106. ársþing UMSS, haldið í Húsi frítímans Sauðárkróki þann 20. apríl 2026**, þakkar Ungmennafélagi Ísland (UMFÍ) og Íþrótt- og Ólympíusambandi Íslands (ÍSÍ) fyrir veittan stuðning á liðnum árum. Þingið hvetur einnig ungmennafélaga til þess að taka þátt í almenningsíþróttaverkefnum á vegum UMFÍ og ÍSÍ.

**106. ársþing UMSS, haldið í Húsi frítímans Sauðárkróki þann 20. apríl 2026**, hvetur Skagfirðinga til að mæta á 12. Landsmót UMFÍ 50+ sem haldið verður í Eyjafirði, dagana 26. - 28. júní 2026. Aðildarfélögum UMSS er falið það verkefni að vekja athygli á mótinu í samráði við mótshaldara og hvetja félagsmenn 50+ til þátttöku.

**106. ársþing UMSS, haldið í Húsi frítímans Sauðárkróki þann 20. apríl 2026**, hvetur aðildarfélag UMSS og aðra íbúa Skagafjarðar til virkrar þátttöku á 27. Unglingalandsmóti UMFÍ sem fram fer á Sauðárkróki 31. júlí – 3. ágúst 2026. Aðildarfélögum UMSS er falið það verkefni að vekja athygli á mótinu í samráði við mótshaldara og hvetja börn og ungmenni í héraðinu til þátttöku.

**106. ársþing UMSS, haldið í Húsi frítímans Sauðárkróki þann 20. apríl 2026**, hvetur alla félagsmenn aðildarfélaga UMSS að mæta á mót sem haldin eru á vegum annara aðildarfélaga ár hvert.

**106. ársþing UMSS, haldið í Húsi frítímans Sauðárkróki þann 20. apríl 2026**, þakkar þeim fjölmörgu sjálfboðaliðum sem koma að starfi aðildarfélaga UMSS og íþróttahreyfingarinnar allrar.

## 106. Ársþing UMSS

20. apríl 2026, Húsi frítímans Sæmundargötu 7, Sauðárkróki



**106. ársþing UMSS, haldið í Húsi frítímans Sauðárkróki þann 20. apríl 2026**, hvetur til aukinnar getraunasölu innan héraðs. Þingið hvetur aðildarfélögin að auka söluna enn frekar á komandi árum. Mikilvægt er að félögin minni á getraunanúmer félaga, en virk getraunanúmer og tekjur félaga af getraunasölnunni má sjá í ársskýrslu UMSS á blaðsíðu 28.

**106. ársþing UMSS, haldið í Húsi frítímans Sauðárkróki þann 20. apríl 2026**, þakkar þeim fjölmörgu sjálfboðaliðum sem koma að starfi aðildarfélaga UMSS og íþróttahreyfingarinnar allrar. Starf sjálfboðaliðans verður ekki metið til fjár og seint fullþakkað. Takk allir sjálfboðaliðar!.

**106. ársþing UMSS, haldið í Húsi frítímans Sauðárkróki þann 20. apríl 2026**, fagnar þeirri heildarstefnumótun fyrir íþrótt- og ungmennafélagshreyfinguna, sem hafin er. Markmið stefnumótunarinnar er að:

- Skilgreina skýrara hlutverk innan og milli hreyfinganna, sambandsaðila og aðildarfélaga þeirra
- Skilgreina óskir og forgangsmál hreyfingarinnar varðandi aðkomu ríkis og sveitarfélaga
- Leggja fram sameiginlega framtíðarsýn um hlutverk og ábyrgð íþróttahreyfingarinnar í íslensku samfélagi.

**106. ársþing UMSS, haldið í Húsi frítímans Sauðárkróki þann 20. apríl 2026**, hvetur sveitarstjórn Skagafjarðar og aðildarfélög UMSS að taka virkan þátt í verkefninu Allir með, samstarfsverkefni íþróttahreyfingarinnar (ÍSI, UMFÍ og ÍF).

### Greinargerð:

Markmið verkefnisins er:

Að fjölga tækifærum fatlaðra til íþróttaiðkunar í samstarfi við íþróttahreyfinguna.

Að öll börn og ungmenni eigi möguleika á því að taka þátt í íþróttum í sínu nærumhverfi í samræmi við óskir sínar og þarfir með viðeigandi aðlögun.

Að allir skulu eiga kost á að öðlast reynslu af þátttöku í íþróttum og verða sér úti um leikni til að þróast í öryggi og góðum félagsskap.

Á heimasíðu verkefnisins er hægt að sækja um styrk vegna verkefna sem fela í sér inngildingum fatlaðra í íþróttastarf hjá íþróttafélögum.

**106. ársþing UMSS, haldið í Húsi frítímans Sauðárkróki þann 20. apríl 2026**, beinir því til aðildarfélaga sinna að þau fylgi landslögum og gangi úr skugga um að þjálfara og þeir aðilar sem stýra íþróttastarfi í félögnum séu með hreint sakavottorð. Það verði gert með því að óska eftir skriflegu samþykki viðkomandi þess efnis að fá aðgang að upplýsingum úr sakaskrá. Skrifstofa UMSS er reiðubúin til aðstoðar í málinu og hafa milligöngu um öflun sakavottorða.

## 106. Ársþing UMSS

20. apríl 2026, Húsi frítímans Sæmundargötu 7, Sauðárkróki



**106. ársþing UMSS, haldið í Húsi frítímans Sauðárkróki þann 20. apríl 2026,** hvetur aðildarfélögin og deildir þeirra að sækja um skráningu á almannaheillaskrá Skattsins fyrir 1. nóvember 2026, hafi það ekki þegar verið gert. Eftir það þarf að endurnýja skráninguna árlega í byrjun árs.

Greinargerð:

Lög um skattalega hvata til almannaheillastarfsemi tóku gildi í nóvember 2021. Lögin fela í sér heimild fyrir einstaklinga til að draga allt að 350 þúsund krónur á ári frá skattskyldum tekjum sínum utan atvinnurekstrar vegna framlaga til almannaheillastarfsemi. Auk þess er kveðið á um tvöföldun á hlutfalli sem atvinnurekstraraðilar mega draga frá skattskyldum tekjum vegna slíkra framlaga og fer það úr 0,75% í 1,5%. Einnig geta félög og deildir fengið endurgreiðslu á fjármagnstekjuskatti, séu þau á almannaheillaskrá. Markmið breytinganna er að hvetja einstaklinga og fyrirtæki til að styðja við almannaheillastarfsemi milliliðalaust, auk þess að styrkja stöðu lögaðila sem starfa til almannaheilla.

**106. ársþing UMSS, haldið í Húsi frítímans Sauðárkróki þann 20. apríl 2026,** hvetur aðildarfélög til að stefna að því að gerast Fyrirmyndarfélag ÍSÍ.

# 106. Ársþing UMSS

20. apríl 2026, Húsi frítímans Sæmundargötu 7, Sauðárkróki



## Þingskjal 2

*Lagt fram af stjórn UMSS*

Breytingar á félagsgjöldum UMSS

**106. ársþing UMSS, haldið í Húsi frítímans Sauðárkróki þann 20. apríl 2026,** leggur til að félagsgjöld verði 600 kr. á hvern skattskyldan féлага árið 2026.



## Þingskjal 3

Lagt fram af stjórn UMSS

Breytingar á lottóreglugerð sambandsins

**106. ársþing UMSS, haldið í Húsi frítímans Sauðárkróki þann 20. apríl 2026**, samþykkir eftirfarandi breytingar á lottóreglugerð sambandsins. Það sem tekið er út er yfirstrikað, viðbætur og breytingar eru skáletraðar.

*Greinargerð:* Vegna breytinga á úthlutunarreglum UMFÍ og ÍSÍ, leggur UMSS fram eftirfarandi breytingar á lottóreglugerð sambandsins

### I. Skipting lottótekna UMSS:

- ~~5% til Afrekssjóðs UMSS, 70% til sambandsaðila.~~
- 25% til UMSS.
- ~~5% til Afreksmannasjóðs UMSS, úthlutun samkvæmt reglugerð sjóðsins. 70% til~~  
aðildarfélaga UMSS skv. eftirfarandi skiptingu.

### II. Forsenda úthlutunar **Skipting** lottótekna **til aðildarfélaga sambandsaðila** UMSS:

- 20% eftir mætingu á ársþing í hlutfalli við heildarfjölda mættra þingfulltrúa ~~er skipt jafnt samkvæmt sérstakri reglu.~~
- ~~60%~~ 40% er skipt eftir iðkenda fjölda samkvæmt sérstakri reglu.
- ~~20%~~ 40% er skipt eftir félagsmannafjölda samkvæmt sérstakri reglu.

### III. Regla vegna jafnrar skiptingar milli sambandsaðila:

20% deilist á aðildarfélög eftir mætingu á ársþing UMSS í hlutfalli við heildarfjölda mættra þingfulltrúa. Fulltrúi þarf að vera mættur við afgreiðslu kjörbréfa og sitja þingið fram yfir kosningar.

Formannafundur: Sendi félag ekki fulltrúa á annan af tveim formannafundum UMSS skerðir það úthlutunarfé þess félags um 25% við næstu úthlutun en hefur ekki áhrif á úthlutanir eftir það. Skerðingar samkvæmt þessari grein renna til UMSS: Skilyrði fyrir úthlutun hvers ár úr jafna hlutanum er að fulltrúi aðildarfélags hafi mætt á síðastliðið sambandsþing. Hlutur þeirra sem mæta ekki deilist á þau aðildarfélög sem mættu á síðastliðið sambandsþing. Að þeim skilyrðum uppfylltum er skipting úthlutunar miðuð við íþróttastarfssemi þar sem hver deild í aðildarfélagi telur eins og eitt aðildarfélag án deildarskiptingar. Listi yfir þær deildir/aðildarfélög sem falla undir þennan lið skal samþykkja á hverju sambandsþingi.

### IV. Regla vegna iðkendafjölda:

## 106. Ársþing UMSS

20. apríl 2026, Húsi frítímans Sæmundargötu 7, Sauðárkróki



Félög og deildir skulu skrá iðkendur rafrænt í [umsjónarskráningarkerfið SportabterABLER](#) hjá ÍSÍ og UMFÍ. Iðkendatölur [0-18 ára](#) skulu notaðar til að ákvarða skiptingu samkvæmt iðkenda fjölda.

### V. Regla vegna félagsmannafjölda:

[Skráðir Ffélagsmenn 18 ára og yngri annafjöldi](#) er notað til grundvallar lottóúthlutunar og er reiknaður út einu sinni á ári og skal miðast við félagskrá sambandsaðila 31. desember ár hvert eins og fram kemur í [SportabterABLER](#), skráningarkerfi ÍSÍ og UMFÍ.

### VI. Aðrar forsendur fyrir úthlutun sambandsaðila:

Starfi sambandsaðili ekki samkvæmt lögum UMSS kemur hann ekki til greina við úthlutun. Stjórn UMSS skal taka tillit til hvort haldinn hafi verið aðalfundur og hvort starfsskýrslu og ársskýrslu hafi verið skilað til UMSS. Starfsskýrslu og ársskýrslu skal skilað eigi síðar en í lok febrúar ár hvert. Uppfylli sambandsaðili ekki þessi skilyrði skal UMSS frysta greiðslur til viðkomandi. Greiðsla sem hefur verið fryst í tvö ár rennur í rekstrarsjóð UMSS og er óafturkræf. Forsendur í lottóúthlutun skal miða við 31. desember ár hvert, þ.e. iðkendatölu [og félagatal](#) eins og hún er skráð fyrir undangengið ár í [SportabterABLER og félagatal eins og það liggur fyrir á sama tíma](#).

### VII. Nýir sambandsaðilar.

Ný aðildarfélög UMSS fá fyrst úthlutað lottófé skv. reglugerð þessari eftir að öllum ofangreindum skilyrðum hefur verið fullnægt og eftir samþykki á næsta sambandsþingi eftir inngöngu.

### VIII. Um úthlutun.

Úthluta skal öllum lottótekjum sem berast UMSS ársfjórðungslega. Greiðsla skal berast aðildarfélögum og deildum fyrir lok apríl, júlí, október og janúar fyrir næsta ársfjórðung á undan. Með hverri greiðslu skal fylgja skilgrein sem sýni forsendur fyrir úthlutun.



## Þingskjal 4

Lagt fram af stjórn UMSS

Breytingar á lögum sambandsins

**106. ársþing UMSS, haldið í Húsi frítímans Sauðárkróki þann 20. apríl 2026**, samþykkir eftirfarandi breytingar á lögum sambandsins. Það sem tekið er út er yfirstrikað, viðbætur og breytingar eru skáletraðar.

*Greinargerð:* UMSS leggur fram eftirfarandi breytingar á lögum sambandsins.

### 1. grein

Sambandið heitir Ungmennasamband Skagafjarðar, skammstafað UMSS. Félagssvæði sambandsins er Skagafjarðarhérað. UMSS lýtur lögum Ungmennasambands Íslands (UMFÍ) og Íþróttá- og Ólympíusambandi Íslands (ÍSí).

### 2. grein

Lögheimili og varnarþing UMSS er ~~hið sama og lögheimili formanns hverju sinni~~ á Sauðárkróki.

### 3. grein

Markmið sambandsins er:

- Að stuðla að auknu samstarfi aðildarfélaganna um íþróttamál í samræmi við gildandi íþróttalög ÍSí.
- Að vinna að öðrum sameiginlegum hagsmuna- og áhugamálum aðildarfélaganna og vera málsvari þeirra út á við.
- Að vinna að hverskonar menningar og framfaramálum og starfa í samræmi við stefnuskrá og lög Ungmennafélags Íslands (UMFÍ).

## II. kafli Um Aðildarfélag

### 4. grein

Rétt til aðildar að UMSS eiga þau ungmenna- og íþróttafélög sem starfa eða munu starfa á sambandssvæði UMSS, enda séu lög þeirra í samræmi við lög og stefnuskrá UMSS, UMFÍ og ÍSí.

Umsóknir um inngöngu í sambandið skulu berast stjórn UMSS ásamt skýrslum um stofndag og ár, lögum félagsins, félagaskrá og upplýsingum um stjórn þess. Stjórn UMSS sannreynir að starfsemi og lög viðkomandi félags samræmist að lögum og stefnum UMFÍ og ÍSí. Inntaka nýs félags verður að hljóta samþykki ársþings, en þó getur stjórn veitt bráðabirgðaaðild til næsta ársþings.

### 5. grein

Vilji félag ganga úr sambandinu, telst úrsögn því aðeins lögmæt að hún hafi verið samþykkt á löglegum aðalfundi viðkomandi félags og miðist úrsögn við næstu áramót. Skriflega úrsögn skal senda til stjórnar UMSS, sem síðan tilkynnir hana á héraðsþingi. Eigi getur félag, sem gengur úr sambandinu krafist endurgjalds á fé, sem það hefur lagt til sambandsins eða nokkurs hluta af eignum þess. Úrsögn viðkomandi félags er eigi tekin gild nema félagið sé skuldlaust við sambandið.

## 106. Ársþing UMSS

20. apríl 2026, Húsi frítímans Sæmundargötu 7, Sauðárkróki



Þeim félögum sem eigi hafa tvö ár samfelld gert skil á árgjöldum eða ársskýrslu má víkja úr sambandinu, enn fremur þeim sem að öðru leiti gerast brotleg gagnvart lögum þess. Eigi getur félag, sem gengur úr sambandinu, krafist endurgjalds á fé, sem það hefur lagt til sambandsins, eða nokkurs hluta af eignum þess. Brottrestur aðildarfélags skal staðfestur á ársþingi.

### 6. grein

Aðildarfélögum UMSS er skylt að halda aðalfund árlega og ber að tilkynna þá með tveggja vikna fyrirvara til UMSS. Hvert félag skal gera skýrslu eftir hvert starfsár um hag sinn og starfsemi eftir fyrirætlum UMFÍ og ÍSÍ. Félagatal, ársreikningur og stjórnarskipan skal fært inn í félagakerfi ÍSÍ og UMFÍ, innan þess frests sem ÍSÍ ákveður. Starfsskýrslum aðildarfélaga og nefnda skal skila til skrifstofu UMSS eigi síðar en viku fyrir boðað ársþing UMSS.

### 7. grein

Standi félög ekki við ákvæði 6. gr. þessara laga skal stjórn UMSS halda eftir lottótekjum fyrir viðkomandi ár og er heimilt að svipta félagið fulltrúarétti á ársþingi, þar til skil hafa verið gerð. Þá hefur ÍSÍ eða sérsambönd innan ÍSÍ heimild til þess að meina viðkomandi félagi þátttöku í mótum og viðburðum innan ÍSÍ þar til félagið hefur staðið í skilum samkvæmt lögum og reglugerðum ÍSÍ. Félög sem hafa annað rekstrarár en frá 1. janúar til 31. desember og þurfa þar af leiðandi að skila skýrslu síðar en tilgreindur frestur rennur út, skulu sækja sérstaklega um undanþágu til ÍSÍ og einnig senda erindi þess efnis til stjórn UMSS.

Reglur um félagaskipti fari eftir móta- og keppnisreglum ÍSÍ og lögum sérsambandanna.

## III. kafli Um Ársþing

### 8. grein

Ársþing ~~UMSS-er~~ fer með æðsta vald í málefnum UMSS og skal haldið árlega, eigi síðar en 30. apríl.

Stjórn UMSS ákveður þingstað og boðar til þings. Er það lögmætt sé það boðað með minnst eins mánaðar fyrirvara.

Síðara þingfundarboð, með dagskrá og upplýsingum um tillögur og mál sem leggja á fyrir þingið skuli sendar aðildarfélögum, sérráðum og öðrum sem rétt eiga til þingsetu með minnst viku fyrirvara. Tillögur um lagabreytingar frá aðildarfélögum skal senda stjórn UMSS eigi síðar en tveim vikum fyrir ársþing og skulu þær kynntar aðildarfélögum með síðara þingfundaboði. Stjórn UMSS boðar til aukapings ef þörf krefur eða um það koma áskoranir frá 1/2 aðildarfélaga. Enn fremur ef um það koma tilmæli frá stjórnnum landsambandanna, UMFÍ eða ÍSÍ.

Ákvæði um boðun aukapings og framkvæmd eru hin sömu og reglulegs ársþings. Óheimilt er að breyta lögum og kjósa nýja stjórn (nema til bráðabirgða) á milli ársþinga nema kallað sé til aukapings.

### 9. grein

Á Ársþingi ~~er æðsta stofnun UMSS. Þar~~ skal stjórn UMSS leggja fram skriflega skýrslu um liðið starfsár svo og skoðuðum endurskoðaðan ársreikning fyrir sama ár. Þingið kys stjórn, skoðunarmenn reikninga samkvæmt 10. og 11. grein þessara laga svo og kjörnefnd og aðrar starfsnefndir sem við á hverju sinni.



## 10.grein

Dagskrá ársþings skal vera þessi

1. Þingið sett
2. Kosning starfsmanna þingsins
  1. Þingforseti og varaforseti
  2. Þingritari og vararitari
3. Kosning kjörbréfanefndar
4. Skýrsla stjórnar
5. Reikningar sambandsins og sjóða
6. Kjörbréfanefnd skilar álit
7. Atkvæðagreiðsla um reikninga
8. Ávörp gesta
9. Mál lögð fyrir þingið sem kynnt hafa verið í fundarboði
10. Tillögur lagðar fram af þingfulltrúum
11. Skipan í starfsnefndir
  1. Allsherjarnefnd
  2. Fjárhagsnefnd
  3. Íþróttanefnd
  4. Aðrar nefndir
12. Nefndarstörf
13. Þingnefndir skili álit og tillögur þeirra, sem falla undir síðari dagskrárliði teknar til umræðu og afgreiðslu
14. Fjárhagsáætlun lögð fram til samþykktar
15. Kosningar (kosningar skulu vera skriflegar, nema því aðeins að stungið sé upp á jafn mörgum og kjósa skal)
  1. Kosning formanns
  2. Kosning fjöggra einstaklinga í stjórn
  3. Kosning þriggja einstaklinga í varastjórn
  4. Kosnir tveir skoðunarmenn reikninga og einn til vara

## 106. Ársþing UMSS

20. apríl 2026, Húsi frítímans Sæmundargötu 7, Sauðárkróki



16. Önnur mál

17. Þingslit

### 11.grein

Ársþing skal ákveða árgjöld aðildarfélaganna til UMSS fyrir næsta starfsár. Hvert félag greiðir félagsgjöld til sambandsins fyrir hvern reglulegan féлага sem orðinn er 18 ára. Upphæð félagsgjalda yfirstandandi árs er gerð upp með lottóúthlutunum 1. apríl, 1. júlí, 1. október og 31. desember sama ár. Reikningsár UMSS er almanaksárið.

### 12.grein

Einfaldur meirihluti ræður úrslitum á þingum sambandsins. Til breytinga á lögum þarf þó 2/3 atkvæða. Atkvæðagreiðsla fari fram skriflega sé þess óskað.

### 13.grein

Formenn aðildarféлага (eiða staðgenglar þeirra) eru sjálfkjörnir **sem fulltrúar** á ársþing sem fyrstu fulltrúar sinna féлага og varamenn í forföllum þeirra.

Fulltrúafjöldi hvers aðildarfélags ákvarðast að öðru leiti af fjölda félagsmanna. Tala félagsmanna skal miðuð við tölu gjaldskyldra féлага (18 ára og eldri) við síðustu áramót miðað við félagatal síðastliðins starfsárs.

- 2-3 fulltrúar **auk formanns** fyrir 0-100 félagsmenn.
- 3-4 fulltrúar **auk formanns** fyrir 101-150 félagsmenn.
- 4-5 fulltrúar **auk formanns** fyrir 151-200 félagsmenn.

Síðan bætist við einn fulltrúi fyrir hverja byrjaða 100 félagsmenn að 1000 félögum, en einn fulltrúa á hverja byrjaða 200 féлага þar fyrir ofan.

Atkvæðisrétt á þingum sambandsins hafa einungis kjörnir fulltrúar aðildarfélaganna og stjórn UMSS. Sérhver ungmennafélagi hefur málfrelsi og tillögurétt hvar sem er á fundum ungmennafélaganna. Auk þess eiga seturétt á þinginu með málfrelsi og tillögurétt, ~~fulltrúar í sérráðum UMSS, aðrir þeir~~ sem kjörnir eru í trúnaðarstöður hjá sambandinu og ~~þeir~~ aðrir sem stjórn UMSS býður til þings.

## IV. kafli Um Stjórn

### 14.grein

Stjórn UMSS skipa fimm einstaklingar: Formaður, **varaformaður**, ritari, gjaldkeri og tveir meðstjórnandi meðstjórnendur. Formaður skal kosinn til tveggja ára. Stjórnarmenn aðrir en formaður ~~skulu~~ eru einnig kosnir til tveggja ára og skipta með sér verkum í stjórn. Þá skulu kosnir þrír einstaklingar í varastjórn til eins árs í senn. Gefi stjórnarmaður sem sitja skal áfram kost á sér til formannskjörs er heimilt að kjósa hann og þá annan í hans embætti það sem eftir er kjörtímabilsins. Enn fremur skulu árlega kjörnir tveir skoðunarmenn reikninga. Stjórn skipar fulltrúa á þing og fundi UMFÍ og ÍSÍ.

### 15.grein

Stjórn UMSS fer með málefni sambandsins milli þinga, eftir þeim reglum og innan þeirra takmarka sem lög og samþykktir setja. Hún veitir móttöku öllu því fé sem sambandinu áskotnast, ávaxtar sjóði þess og fer með þá samkvæmt fjárhagsáætlun samþykktri á ársþingi.

## 106. Ársþing UMSS

20. apríl 2026, Húsi frítímans Sæmundargötu 7, Sauðárkróki



### 16. grein

Stjórn UMSS skal halda fundi svo oft sem þurfa þykir. Þannig skal boða alla stjórn og varastjórn. Varastjórn hefur aðeins málfrelsi og tillögurétt á þessum fundum nema um forföll sé að ræða í aðalstjórn.

### V. kafli Sérráð

#### 17. grein

Innan UMSS geta starfað sérráð. Ársþing skilgreinir sérráð, ákveður hvaða ráð skulu starfa milli þinga, segir fyrir um skipan þeirra og setur þeim almennar reglur. Þó skal stjórn einnig heimilt að skipa sérráð ef ástæða er til. Stjórn sérráða skal skila ársskýrslu og reikningum til stjórnar UMSS fyrir lok janúar ár hvert. Sérráðum er ekki heimil lántaka fjármuna nema með samþykki stjórnar UMSS. Að öðru leyti starfar sérráð samkvæmt 8. kafla Sérráða 50. – 52. greinar laga í Sí.

#### 18. grein

Sérráð eru skipuð af stjórn UMSS, en skulu almennt skipuð fulltrúum deilda aðildarfélaganna sem sinna viðkomandi grein eða fulltrúum þeirra. Sérráðin skipta sjálf með sér verkum og tilnefna formann. Stjórn UMSS staðfestir skipan formanna sérráða.

#### 19. grein

Sérráð skulu annast skipulag og framkvæmd héraðsmóta í hlutaðeigandi íþróttagreinum. Sérráð skulu sjá til þess að mótshaldarar á vegum þeirra komi upplýsingum um mót til stjórnar UMSS svo fljótt sem verða má.

### VI. kafli Önnur Ákvæði

#### 2017. grein

Komi fram tillaga á löglega boðuðu ársþingi UMSS um sambandsslit skal hún þegar tekin til umræðu og atkvæði um hana greidd. Því aðeins 4/5 atkvæðisbærra fulltrúa á þingi samþykki tillöguna skoðast hún samþykkt, þá skal þingi slitið tafarlaust. Fráfarandi stjórn situr áfram í fullu umboði og skal hún boða til aukapings innan tveggja mánaða. Þá skal tillagan borin upp að nýju. Sé hún samþykkt með 4/5 greiddra atkvæða fulltrúa á þinginu, skulu það heita lögleg sambandsslit. Verði tillagan aftur á móti felld skulu þingstörf halda áfram þar sem frá var horfið á fyrra þingi.

#### 2118. grein

Komi til sambandsslita samkvæmt 21. grein eða ef starfsemi UMSS fellur niður skulu sjóðir þess og aðrar eignir vera í vörslu UMFÍ þar til stofnað hefur verið annað samband aðildarfélaganna UMFÍ í Skagafjarðarhéraði.

#### 2219. grein

Lög þessi öðlast þegar gildi og með þeim úr gildi fallin öll eldri lög Ungmennasambands Skagafjarðar.

Lög þessi samþykkt á ársþingi 1989. Breytt 1990, 1991, 1994, 1995, 1999, 2000, 2002, 2011, 2018, 2022, 2023, og 2025 og 2026.